

大清光緒十六年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報加寄費可
也除日報常刊送外復不
惜工本從英法德各國購
紙各機器以待與 各官商
刊印書籍單件並有英國各
體活字及各式花邊等延有
西人排印工藝其精所有中
西文字均能刊印前有石版
印字大小機器均用精工刊

第二千七百零九號

申報

(本館開設在馬路口門牌第十一號)

印工緻絕倫前延有文士書
寫各體文字現由上海購到
各種書籍出售其書目另行
刊佈所有各書其相宜
本館所寄來札原擇其有關
世道人心者附登否亦須無
礙於人而後始錄其有謬屬
成文以及支離費解者概不
登報嗣後 諸君來札尚祈
自諒更須寫真爵里而後敢
登但來稿登與不登均不能
將原稿收回也 本館謹白

庚寅十月十八日

凡刊印告白第一日每一字一仙第二日以下每字半仙 大英一千八百九十一年十一月十九號禮拜六 凡刊印告白第一日每一字一仙第二日以下每字半仙

新到各種奇書發售 ○讀者茲本館近由上海姑蘇等處採買各種奇異新書及地輿圖誌等來
叻發售其書或銅板木板鉛板石板均無不有且字畫詩書等項尤繁多有叻地未嘗經見者其有益於世
道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書
目經已另列單張附呈 鈞覽閱者 鑒焉 本館告白

辛卯月份牌發售 ○啟者本報所印光緒十七年辛卯之月份牌業經告竣其工巧固已
較勝於往年且復詳加考察核對精微不至有所訛舛以至貽笑方家 諸君欲選購者無論色紙白紙以
及填色描金均憑選擇價甚相宜尚懇 移玉早臨不勝欣幸此佈 本館謹白

論中國制作日精

昨報快鎗述略一事言金陵機器製造局唐君履堂所製快鎗之精天下各國之鎗罕有能出其右者觀於
此事不禁歎中國人之心思才力原有甚工故其製作之精實不讓西人以居獨步也西人每以製造新奇
機器靈便傲視中國中國自知實有所不如於是乎竭力經營悉心摹倣創與船政製造各局以效其所長
蓋自倣效泰西講求武備以來至於今日屈指垂二十餘年矣近今而軍火器械如海軍中之火輪鐵艦水
雷魚雷炮火鎗械一切應有之物幾於無一不備亦且無一不精而說者更以為於洋鎗一項其製造之法
有駕乎近時德國之毛瑟鎗英國之黎意鎗而上之精益求精尤形美備者其鎗靈巧而堅利機器甚簡輕
便異常開放時不惟無煙而且力量能及三千碼之遠能穿透二分厚之鋼皮鎗式之佳運用之妙無以復
加蓋自有洋鎗以來善莫善乎此矣又聞上海製造局歷年所用洋鋼均係購自外洋將來愈多需款
甚鉅刻下有添設煉鋼廠之議以備製造鋼彈等項之需如果此廠克成又係中國創舉不但為國家節省
經費不少而由局內自造自用便孰甚焉此誠於中國大有裨益之要務矣查近年以來各省軍火道無鋼
彈維時正在急須改造則用鋼之虞從此自無窮若不預先建設一廠所用之鋼仍概從外洋購取此非
計之得者蓋不僅銀錢流出外洋中國所產鐵礦轉無銷路而且設有要需外洋諸國安保不藉此挾制此
當道者所長慮却顧幾費躊躇而創此盛舉也此項鋼彈經製造局陸續造出分給水陸各營及各處沿江
沿海之炮臺足以嚴海防而壯聲威禦外侮以安內患又何患邊防之不加整飭而中國富強之機振興之
象胥於是乎卜之可知當道者實心任事即其辦理之善創制之實不亦可見一斑哉夫近來談時事者往
往謂中國之所以不及外洋者實由於製造之不精吾嘗疑之以為中國地大而物博奇特之士聞世而生
人才之多或十得其一或百得其一或千得其一或萬得其一較之外洋則其數總過之不及即中國能用
心能用力之人亦豈少哉顧何以製作一切總不及西人况西人之所以傲中國者在乎機器而機器諸法
往往由中國所流傳中國失此傳而外洋得此傳乃益求其精因而以是傲我而中國竟受其傲絕不一審
抑何可笑之甚然自創設製造各局以來風氣漸開中國人之識見愈久而愈廣中國人之心思亦愈用而
愈出頗有能自出心裁不煩摹擬而獨以己意創成一器足以與西人相頡頏者故製造之法近來益精即
其礦產所出亦頗日增月盛如雲南之銅徐州之鐵漠河之金貴州之煉鐵局皆為中國出產之大宗而取
之無禁用之不竭者既有鐵礦數處而猶欲買諸外洋不亦適足以貽笑乎貴州煉鐵正足以為將來煉鋼
之先聲而煉鋼有成不但可以為鋼彈抑且可以為鋼炮並且可以為鋼甲兵船鋼甲炮臺凡所以有需乎
鋼者莫不取給於該廠中國之利賴不於是乎無窮也哉吾聞之不禁為之喜而不寐

諭旨恭錄

○九月二十九日奉 上諭昨據秀吉奏宏義閣遊南庫門鐵鎖脫落當經諭令內務
府大臣確查具奏茲據奏稱本月二十七日衣庫司員呈庫門封條鐵鎖有拆卸扭落情形查辦物件失去
搭護三件等語禁城庫地竟有賊匪竊竊情事殆屬不成事體著該軍統領認真緝訪並著步軍統領衙門
五城御史一體嚴拿務獲送部究辦欽此○十月初四日奉 上諭湖北黃漢德道員缺著孔慶麟補授欽
此同日奉 上諭甘肅蘭州道員缺著黃雲補授欽此同日奉 上諭本日殿試中式武舉刁乃石內殿石
錯誤之浙江賈應庚著罰停殿試一科所有原圍監射校射之大臣覆試之王大臣內均著免其置議欽此

許振鐸到任後於一切保守事宜尚能檢核積弊認真經理故於前奏請擬欵當即允行該督務當仰體朝廷委任之意振刷精神切實整頓悉除向來一切浮冒折扣陋習使工程益臻鞏固用副朕軫念何防慎重務須至意欵此

英京電報一 ○十五日英京發來電報云現在倫敦議院開門會議之時英皇會降諭至院云目今夫天下大局仍復如前四境昇平但埃國番薯失收之事我國來自宜設法以防不測至埃省地以及收稅之律現須再為施行云

英京電報二 ○十五日英京發來電報云前相托公近致函與某日報其中所論言巴尼路切宜自辭議員之任云云惟巴尼路雖閱此信竟置若罔聞也

荷京電音 ○十五日英京發來電報云荷后現領示略謂已立其公主威路下路奧刺以為荷邦之主等由同日電音又謂荷王梓官定於二十日運回荷官暫停至廿三日始行奉安陵寢云

南洋股份行情電報 ○本坡實得力太唔士西報昨接英京十六日發來電報云彭亨股份現值銀三十二司令半至三十五司令民東股份現值銀二司令半至五司令暹羅金礦股份則仍照舊云

案再展限 ○徐警昭鄭源祥因回祿之事被實得力保險公司所控一案十六日業經府尊地訊但被告延有狀師代理辯論甚詳故猶未能訊畢因判展限至二十日再行傳訊云

賽神定期 ○本坡粵商賽神之期向章每年舉行一次其奉神出巡則定於十月回鑾則定於臘月初十日舉行云

虎差被控 ○本坡巡差弊端最甚無論索賄之事所不能免即如恃強欺懦等事亦常有之觀某穆拉油差之被控可見矣潮人吳成昌向在戲館街口漆木街欄賣生菓為生十五日有第五百廿四號之穆拉油差過其前見黃柑果熟不禁饑涎大動即前攫其一枚欲去吳不甘因向之索值該差怒甚即奮拳將吳毆打竟折其一齒吳以被差所傷益不能甘乃將差緊纏嗚呼他差將其執獲送交總巡捕官署現在此事業經解案惟尚未經府尊訊定也

奸途回籍 ○前報有吉蘭丹船由叻言旋因風急不能入口故將船折回叻中一事現查回叻者共有二船船中之人計共二十九名現已驟欵稅定源通號之實里丁加勞輪船將此二船拖至吉隆而諸人再由吉隆運陸以回丁加勞地方查該處陸路迢遞異常須閱二十餘日之久始能告到故前日諸人已赴本坡國家報明此事請准携帶軍械以備不虞而該船則已於十六日下午四點鐘時解纜矣

查捕逃差 ○近來本坡諸差每每有潛逃之事聞有巡差九名均在第一號差館當值者近已多日不至差館中顯係有心逃遁故已由總巡捕官請有票據將諸差一體嚴緝矣


剪髮被控 ○十五夜約十一點鐘之際有海南人某甲在牛車水戲園後街肆味異常聲稱被順意樓娼妓梁勝彩及亞四二人剪去其辮等由因嗚差欲將二妓拘捕嗣有某華差趕至以此車未經親見照例不能執捕乃傳到二妓共至差館中報聞即同解至巡捕官署看案前但此事之來歷尚有未明必須查清始能入案因諭兩造暫回聽候查辦云

控案判結 ○單邊街潮人李某控告其妻之案迭經府尊堂訊至十八日始經斷結以原告所控之欵無例可援乃命將案注銷至於所生子女均由李領回撫養云

巨秤小懲 ○近來本坡國家稽查秤磅斗尺之事甚嚴有潮人陳姓者向在嘉興街開設恒興號糖菓雜貨店為生前日為總差麥文至其店內查得所用之秤雖經國家鈐印惟秤頭所包之銅稍為伸出然則所秤之物遂有參差因將該號控於案中十六日經府尊提訊被告供稱身本生理中人安有作為此弊或者諸工役用權不細以致銅頭脫出亦未可知等情府尊聽畢以所言亦在情理之中因特與薄懲判將被告罰銀三元俾知警誡并諭以嗣後宜常查諸伴勿使再犯此弊云

泉慶清談 ○前報同安縣祥路鄉莊乙卯與莊坐等毆斃葉純輒一案屢被葉姓上控請為緝兇究辦爭奈兇手在逃為日已久以致案懸莫結死者之冤重泉抱恨故經該邑王明府屢為飭差緝捕惟恨該兇銷聲匿跡幾至無從弋獲後聞乙卯離逃而其父莊明句依然猶在厥家故經謝協戎為之掩捕逮於案中嗣經提案審訊謂明句必須將子乙卯交出然後始為開釋乙卯至是得聞此耗乃以老父龍鍾不便拘留程結因即自投至案以身贖父而歸乙卯遂因是被押在禁焉惟莊坐匿跡殊深尚未獲至案前核辦似此異常狡展實為聽訟者之所難堪是以王明府多方設法務期緝獲該兇因即着該處紳士陳穆齊許步墀陳栢芬謝景四人伴謂莊坐曰純輒之案現已在外處息當即赴至公庭具結時莊坐以命案重大依然懼罪不前而謝紳有親屬謝柳謝篤者向在西橋尾創有福開興號糖菓店生涯頗暢遠近知名謝紳以莊坐之不敢赴於公庭也因謂坐之親屬曰坐於此次赴案吾等可保無虞設有不測之灾可向福開興為之理論坐以各紳言之鑿鑿信之不疑乃隨各紳投至縣署詎王明府登即開堂研訊遂乃命差將坐即為拘禁時各紳均欲為之保出奈明府不肯稍徇各紳遂喪氣而出現向未知作

售出酒蜜



啟者本行由歐洲辦到上等密酒
來叻發售其酒甚佳茲將標頭印出
請君光顧所為細認免致有誤倘
有無恥之徒假冒本行銀匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
大英一千八百八十八年十一月十
八號 天 明碼也洋行謹啟



賣發酒密烏



啟者本行向由英國督辦各
種美酒來叻發售久已遐邇
馳名茲復由英新辦到頭爾
士斗雲字號之狗頭標烏密
酒到叻應沽此酒香奕異常
不惟飲之可口且能保養精
神調和血氣常飲令人不生
疾病誠酒國中上品也 請
君光顧應細看以上所列之
狗頭標庶不致誤且價甚相
宜倘 諸君有欲酷飲者請
至本行取用可也此佈
大英一千八百八十八年八
月十五號 明碼也洋行啟

售出酒池蘭萬標蜂上頂國法





啟者本公司親由法國督辦頂上
好萬蘭池酒來叻發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬蘭
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂窠標頭
為記並細辨香味方不致誤價甚相宜
倘有躉份之壽者祈早至 惠臨沽買
是幸
大英一千八百八十八年六月二十號
大清光緒十四年五月十一日
明碼也公司謹啟

品三賣出



啟者本行督辦歐洲馳名三品洋酒來叻發售
其酒係白頭式發售有年沽飲 諸君莫不
稱其香奕奈近有無恥之徒假冒本庄三品酒
款式以圖魚目混珠情殊可恨嗣後 諸君
買本行白
頭三品酒
者請細認
本號標牌
之內有小紙包頭對準字號庶不致誤也公
司者始無等若此字樣即屬假冒 請為細認特
此佈 聞 大英一千八百八十五年十二月
十九號 明碼也公司謹啟

嘗思營生之道所最要者則惟數簿其次則惟銀兩然必須有以善藏始無意外此本
行鐵櫥所以為 諸翁之所共賞也啟者本行所賣之鐵櫥久已馳名於東方一帶而
於叻坡則聲名尤著至本行沽賣此等鐵櫥已有三十年之久其製甚為堅固保能避
名火且其匙鑰甚妙斷非盜賊等所能開計其 全身均用鐵製
無雜成並以木料且諸櫥自前至今均
為一式堅固前無有優劣之分至於各
櫥大小不一而價值則約一百元至四
百元凡用之者可保其不礙焚燒即遇
出火災亦無所損本行之鐵櫥實為叻坡諸華商所喜購而本行
每年所沽亦殊不鮮茲特為之錄佈倘 諸君有惠顧者祈即玉臨選購為盼
大英一千八百八十九年十一月廿八號
大清光緒十五年十一月初六日
明碼也洋行謹啟



鐘鏢出投 ○啟者本行由歐洲辦到各款時鏢來助發售其鏢金銀鋼質等類無不有之計此鏢之價每枚由廿五元至一百五十元鏢之價則每枚由八元定二十元鋼鏢之價每枚由三元至十元並有石面時鏢每具銀一元另有時鏢每具價銀由二元至二元五角又八日鏢之時鏢每具價銀由四元至十元更有各款金器甚多不能備錄 諸君合意祈早 玉臨選購是荷此佈
大清光緒十六年九月二十八日 大英一千八百九十年十一月十號 橫申公司謹啟

賞格 立賞格人 苑生號有微李慶炎欠去銀項為數甚鉅蓋他乃前年承充本坡烟酒餉碼之人當日伊家所有椅桌銅器玩物約值銀三千餘元其山頂別墅椅桌銅器玩物約值銀九百餘元另有金銀器磁器不計其數當慶炎初死之時各處之物件依然俱在迄今僅閱年餘物盡歸烏有似此變遷殊深滋訝特將高懸賞格與 諸君約倘有知其搬出寄頓何處或知其有與人暗作生理或明買各公司股份及暗插各項生理股份或買有地皮家建有屋宇或將銀項捏作他人名字出借或買有房屋假託別人名號無論在本坡或麻六甲檳榔嶼 上海 昔行我 吉隆 日理 被埠 那律 柔佛暨荷屬等處者祈到本號報說俟查明確實俾得追回抵償之後願將該物項對半均分以酬其勞如該物價值在一萬元之數則賞給銀說人五千元或多或寡照此遞算決不食言至遠近各色人等凡有金銀銅等器及家器產業與慶炎以及慶炎死後曾將金銀銅各器代為兌出或將股份物業代為暗典於人均祈前來報知如果証據顯然本號自當酌量給賞此帖是實幸勿懷疑 大清光緒十六年九月二十三號 苑生公司章芳琳謹啟

登照 丁部局告白 ○啟者特此通知本坡諸君知悉本坡所有諸紳商其有可以舉局員及其本身可為局員之芳名現經本局列呈國家以便列入憲報之內而本局亦將芳名列妥以便諸君到而查閱倘 諸君芳名或有漏登之處祈即 玉臨本局或函致本局通知然函內務祈列明姓名住址以及有何憑據可為以上所列兩項之人俾得查核為之補入諸惟 謹照此預聞 大英一千八百九十年十月二號 大清光緒十六年八月十九日 工部局司理人厘兒不勝宜禮謹白

售出酒密白



啟者本行親在歐洲督辦龜麥之白蜜酒及卑施拿之白蜜酒來助發售其龜麥之酒係伴飛燕標 卑施拿之酒係伴熊標其酒香嗅異常可以止渴潤腸且縱多飲亦不至有醉人之患在叻嶼甲各地以及蘇門答納慕娘暹羅安南等處 諸君均喜飲之而叻地各酒店更多購用本行之酒可見酒質之美故能廣銷銷場



而本行并有希打馬號之威實枝酒及蘇禮勿蘭號之狗標加歷力酒均係西方佳釀且價廉味高與市釀大相逕庭而本行復製有紙烟及歐洲各式烟發售更有鐵廚製造其精並無雜以木料而其鎖鑰非盜賊所能開本行之沽賣此廚已有五十年之久素蒙諸君樂為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉臨選購閱為盼特此佈聞 大英一千八百八十九年十二月二號 葛士兄弟洋行告白

RIGAND'S KANAGA WATER.

列勝干那芽花露水 ○此水係以干那芽花所製其花出自日本國中香冠凡卉乃列顏君在日本探辦載回法京製成此水以故其香甚之而其用亦甚善如皮膚有皺裂等病抹此香水固能愈痊亦可辟蚊口之毒若以此香水和水盥洗固能令人肌膚嫩滑顏色光潤且瘡癬不生本藥房製成此種花露水銷流已久遐邇傳揚不料近有德商仿照本藥房所造此水以圖射利其質氣味遠遜迥隔霄壤 諸君有購買此水者請看以下所列第一款之西字標頭本藥房所用製載此水之符係有浮凸字樣如下所列第二款之西字註明列顏公司字樣如無此字者即非真貨否則係為假冒倘祈慎認至於各埠人等有做買本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未設枝別處特此聲明

'KANAGA DEPOSE' 1430.

MORRHUOL.

橫好呂解毒保元藥丸 ○此丸治虛損吐血花柳傳毒咳嗽喘目痛重舌等症其效如神且不惟解毒而且能調和營衛葆養精神現在法英美等國醫士所用此丸無不藥到病除立見春回若服此丸須仿照飲魚肝油之法要緩緩吞下並於用飯時吞飲一二粒切勿誤為急吞以背藥法此丸在荷蘭裝藥樽計一百粒現託新嘉坡藥房麥加君處代售

SANTAL MIDY.

DR. MIDY'S SANDAL OIL CAPSULES. 檀香油藥粒 ○此藥係製成油質以薄皮一重裹作粒形以便易吞而其力能治花柳淫毒濁白帶癢閉一切等症如症雖香痛服之立止而服藥後約歷二三日即見功效但所患過重者每日吞食六次每次吞食二粒至痊愈後宜再服十日庶得消除後患永絕根株惟食此藥時宜戒色慾氣怒勞動等事幸勿自誤致誤藥力之神也現此藥託交新嘉坡藥房麥加君處代售

FRUIT JULIEN.

浮律如里馬藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於油為日無論男女老幼均能飲食且其味有如糖菓最為適口尤為小兒所愛其藥力均可治肚小太多生百頭痛鬱結大便不通斑疹血熱毒毒以及皮膚疥癩等症飲之亦可涼血行滯且能令臟腑潔淨痼疾立除但飲之法宜於臨睡時嚼飲一二粒至翌早飲茶一杯須臾即覺大便通利身體爽快此藥現託交新嘉坡藥房麥加君處代售

大英十一月八號

廈門新填地渡頭有中紅船三艘皆係載客往高浦五買者時適掛帆而去道經寶珠嶼海面又見一虎渡河鼓浪而來勢力頗猛船中諸人竊恐受其奇禍故以竹篙迎擊之詎虎用爪乍抓其篙旋墮水中諸人愈懼亟合三船諸眾協力交擊是時虎在水中劇躍耀武故受重傷因之而斃後為諸人將虎拯諸船中載回廈島置於市上遊人聚觀如堵如垣網羅之蓋有二百餘斤然則該虎亦非小矣時有大王宮口屠戶林亞厚者聞其事亦為往觀乃以英銀二元購其虎欲歸而屠之未幾又有一漳州人某甲道經於此亦赴人叢觀之忽觸垂涎遂以英銀三十元與林轉傳載回漳州而去因查該虎係由文圃山被人擊逐而來虎之身已受炮傷二處料斯時無處可藏故作渡河之舉云然此亦可見虎患之狂山居小民不可不慎為防及也○廈門渡頭地方有一婦人年近四旬赤身露體散髮椎髻目灼灼而面塗聲譁而語亂逢人便侮踴躍於途殆亦染瘋狂之病者查該婦染病之由有謂婦本臺灣人其夫係海澄縣打石坑某甲者是也緣甲赴臺貿易故娶彼婦于歸惟婦生有嗜癖近以甲外出營生家有餘貨約計百有餘元婦則日以其資輒緣花會輪去嗣被甲歸而察覺以婦所行若此原非內助之儔因將其婦逐而由之婦遂染此心病後甲以婦猶在附近之處時出而戲癡狂之狀實為門第之羞故自率該婦赴廈而置諸腦後云由此觀之花會之為害豈淺鮮哉

鹿門霜信 ○潘署前茂興裁縫店陳某年逾不惑坐擁厚資膝下僅一四歲兒愛惜逾恒不啻掌中珠懷中玉也一日嬉戲門前誤被匪人誘去偵騎四出蹤跡渺然陳痛子情深屢欲自尋短見均幸家人知覺解救得生拐匪橫行閩閩受害安得誠心保赤者為之嚴密查拿耶○走失小兒女之事屢有所聞從未有聞閩淑女已屆瓜年而聯袂摘裳去如黃鶴者茲聞新竹縣城內魏安泉家於前月杪失去二女孩一名芙蓉年十五歲身穿白羅衫褲一名香花年十三歲穿淺色衫褲同於是日薄暮出門不知去向其家人四出尋覓毫無影響又淡水大稻埕廖姓孀婦家於本月初四日下午子婦名吉娘者年十六歲穿青衫花褲出外探姊妹行不同亦訪無下落現據兩家情人赴郡漏出招帖略謂如有四方仁人君子收留送回家或知風報信因獲暨合珠聯者定當從重酬謝云云見者多詫為罕觀抑其中另有別情歟○福江吳某妻一有婦婦人靜魚水和諧甫經三日新婦方入廚洗手試作羹湯詎料狂叫一聲手執菜刀欲自剖其腹幸小姑驚覺呼集家人羣來阻止免擾其鋒此後婦即如醉如痴或啼或笑每至夜靜更闌啼笑聲啼哭聲猶達戶外人謂該婦係得瘋疾恐非藥餌所能救治也○西學堂漢文副教習兼學海登瀛兩書院監院黃厚甫廣文懋和泰憲檄辦撫行營官醫局事遺差以邱平孫孝廉炳督接辦○軍械所支應委員張勳白小尹請假一月回籍省親業於月之十七日附搭飛捷官輪內渡矣○西學堂創自丁亥暮春學生向駐考棚惟每逢科歲兩試必須遷讓轉瞬將舉行縣試大府因就小南門內軍械所北首拓地數弓起建洋樓一棟諸生肄業北府臺雷顯生太守派本地紳士洪斗南茂才承辦其事茂才現已督同工匠消吉與工斧鑿之聲遠聞許大約年內可竣事也○臺北自月初至今天氣漸涼雖大科坎五指山蘇澳一帶貼近內山地方疫癘未除而城廂內外染疫殞命者傳聞較少重九日薰風南來秋陽燥烈宛然長夏天氣响午有鄉人肩茶一担行至大稻埕某茶棧門首忽然痛哭欲以身殉有某善士聞之惻然慨捐洋銀數元勸令拾回殮葬該善士乃收淚叩謝而去人生如朝露不其然乎

義舉洋溢 ○九江任南北七省通衢行旅絡繹大江天塹雖有民渡船擺江往往貪多攬載訛索舟資中流失事行人無不視為畏途幸光緒十三年經茶土兩幫善士公議在茶土兩宗下抽取經費創設尋陽義渡局造大渡船四艘以兩船循環渡人兩船停泊江干守候救生迄今辦理三年司董等悉心督率每日對渡行人約以千百計且遇大風迭次救生得法城廂遠近均沾實惠口碑載道迭經地方紳商懇贈匾額禮聯均誌大德茲於本月十九日又有小池楊西兩紳者慷慨公洪匾額一方文曰利涉大川禮聯一副文曰隔岸帆歸問幾輩學士文人來訪這金浦秋風爽樓皓月一航渡去看許多黃童白叟共沐化吳頭利濟楚尾恩波又九江江防盛司馬題贈江樓禮聯一副文曰昔渡賴慈航願盆浦秋濤送來江上才人同登彼岸羣生欣利濟看海陽夜月愧對當年司馬遺愛當留是日義渡局張燈結彩鼓樂喧闐冠蓋如雲主賓酬酢極形熱鬧想該局經地方官紳士庶如此獎勵當必益加奮勉以仰副諸君子成全義舉之至意也

雙旌競彩 ○旅順口船塢工程於丙戌秋間包與法商德威尼建造既已大工告竣由北洋大臣李傅相遴派龔魯卿觀察驗收並充塢澳總辦八月初間到差但督辦塢澳工程周玉山廉訪職守保陽尚未到工收驗現在廉訪稅駕到津稟明傅相協同津海關道劉獻夫觀察於廿二日共乘康濟兵輪前赴旅順收工閱北洋水師統領丁禹庭軍門亦乘該船同往旅順云

核對冊籍 ○戶部自薄閱丹初相國所創議出籍入籍籍籍以舉凡天下錢糧無不瞭然可見以故每歲辦理一次茲又屬辦理光緒十四年分冊籍之期前已諭令各司員自五月起至八月止務將各省籍籍出籍入籍數目詳細核明造具冊籍呈堂閱覽近由各司員將冊籍辦妥呈堂銷差刻即各堂憲因恐小有舛遺復派司員十四員自十月初一日起至月杪止務將各司所造之冊互相核對以憑繕寫實冊於年終進呈 御覽所派十四員各遵派算法精通之書吏一名隨同嚴辦以期詳慎云

而受聲明 ○啟者長泰街第十九號門牌廣宜安店保黃亞湖所創設黃亞湖志願業願將該號生理全盤頂與胡亞栢承受即改號日和生定於本月廿三日交易倘該號有欠他人之項祈早聲明如遲自誤特此聲明免滋後論
大清光緒十六年十月十六日 承頂人胡栢謹啟

妙手回春

○啟者余向在本坡萬山藥店僱工因手患重症堅硬如石調治月餘日加沉重床席呻吟自分難以痊愈適遇粵之順德縣友人賴華甫兄及黃雨森先生醫術最為妙手前有戚屬曾患久病咳嗽等症屢醫弗效嗣請黃先生調治藥到回春目下健壯如常先生向在廣東佛山醫院主席多年而現下則就本坡同濟醫社之聘學足功深可稱壽世良醫者也余聞即延黃先生到店醫治不數日而手患全消其病如失深蒙先生救回殘喘如戴二天莫由圖報爰綴數語附於叻報以誌先生之大德不忘云爾
大清光緒十六年十月十五日 大英一千八百九十年十一月廿六號 福建汀州李秀春謹啟

工部局告白

○啟者茲欲招人入票承充以下所列各事宜今特條開如左 一 磨割木多寡不等 二 拿汝及施星學木此係零星所用 三 加定木及民東義木 四 歐洲灰 五 石灰 六 牛隻以為塞獨掃路車之用 七 牛及牛車以便搬運物件 八 牛隻以便索駕糞車之用 九 雜物 十 柴薪 如有欲承充以上所列各事者可至本局取討票式倘欲知其詳細者每日可於本局開寫字樓之後到來詢問但入票者每票須交壓銀一百元如未准與承辦即將原銀交回若准其承辦則將此項留出撥歸其人担保項內所有各票務於西本年十二月三號即華十月廿二日以前送交本局聽憑選擇不得執價低者得之說爭論特此佈聞
大清光緒十六年十月初九日 大英一千八百九十年十一月二十號 工部局司理人釐兒不勝宜禮謹啟

聲明告白

○啟者小坡鐵巴剎對面第五十三號門牌瑞豐號乾菓及船隻生理係於甲申年經黃可輝 黃可學 王永祥 龍學成及錦源號合夥同創計錦源號所落老本共銀一百七十餘元數年以來該號陸續支回大銀一千餘元迨至本年五月底結數之時錦源號尚存本息共二千六百餘元嗣因錦源號生理不前該號司事鄭志明欲將其所耐瑞豐號之股退出即與黃可輝等言之遂於六月初旬將數核明錦源號應得折實銀一千八百元作為退股彼此均皆甘願但時向未齊立退股字據而黃可輝滴有要事鄉旋因將此事託交胞弟可學辦理詎未幾而錦源號已被債主封禁時可學恐私退股字據未足為憑乃將此款交與狀師欲立英文字據擬時鄭志明以為若立英字則費用甚昂故懇可學收回其銀未幾而錦源號被封之事業已調停了結店號復開可學見此情形因允所求將此銀收回改立華文字據詎志明竟平地生波又欲加收銀數條件不允而志明即將此事呈控案幸蒙 臬憲明察秋毫將此事仰兩造在外調停遂於本月初四日請到公親 林鴻儒 梁居文 符愈貴 雲崇本 黃昌明諸君駕臨理處由本店補回銀一千八百元與錦源號作為退股業已交易清楚日後本店生理盈虧概與錦源號無涉先此聲明免滋後論 光緒十六年十月初七日 瑞源豐號黃可輝 黃可學 王永祥 龍學成同啟

麻六甲工部局告白

○啟者按照一千八百八十七年所立第九章內第二十條章程及一千八百八十九年第十七次所定更改前條章程欲在本埠公舉局員一名此事定於西本年十二月十一號即華十月三十日禮拜四在本局內當堂選舉是日於上午十點鐘起至下午四點鐘止所有還稅之人可以到本局入票公舉至其票式諸人可於是日向本局取討便得特此預聞
大英一千八百九十年十一月十七號 大清光緒十六年十月初六日 麻六甲工部局總辦人員夏媚謹啟

馳名威士枝酒

○啟者本行在叻代理發售仙禮谷威士枝酒此酒天下馳名而實得力三府諸士商尤為嗜嗜因其氣味清香且能除煩止渴飲此酒者能令心曠神怡至此酒在叻發售惟有本行一家而叻地各酒店多有至本行販而零售者且其價甚相宜每箱僅取銀四元七角五占 諸君賜顧祈早惠臨為盼 大英一千八百九十年十一月十四號 牙直里洋行謹啟

工部局公舉人員告白

○啟者按照本局所定第三十五條章程本局員內有三人例於西本年十二月卅一號告退該員所轄乃丹戎巴葛第一段東陵第三段加籠第五段地方今其告退自當再舉他員以承斯任故現經定議於西十二月十一號即華十月三十日禮拜四在本坡大會堂內入票公舉人員以承斯缺其入票之格式可向本局領取便得特此佈聞
大英一千八百九十年十一月十三號 大清光緒十六年十月初二日 工部局總辦人員下力山打然直謹啟

東方典當及代理有限公司告白

○啟者本公司計集老本銀一百萬零二百五十磅而已收諸股份人之項計有六十萬零二百五十磅專為典當借貸以及代理各事宜倘叻地 諸士商有承遠自主之業或為貨物或係股票或係他項穩妥之件及工部局前者借銀之單抑別項單件行於英京者均可持向本公司告貸即以此物為質 諸君賜顧祈早 惠臨為盼 新嘉坡協興人莫士得洋行東主加末申 心士洋行東主吉力 巴智申西登洋行東主沙八 駐新嘉坡代理本行出入銀兩渣打銀行 代理本公司狀師直汝拿丕亞 大英一千八百九十年十一月十五號 大清光緒十六年十月初四日 代理人巴智申西登洋行謹啟

再行告白
特書閱其所言更多謬妄誠恐已知其偽本不欲為之慶辨但恐不知者聽其一面之詞致為所惑故迫得再將其理指出以俟 高明分其涇渭焉按其告白所言滿紙漫罵之詞其是否出於仇妒可以不言而喻矣至謂余所吞之項無力賠償問與不問俱於事無益究不如容之為佳云云斯語也甚為牽強適足見其掩飾之端如謂余無力賠償則余縱不肖亦未嘗有欠人之項以至潛逃現在該號隔鄰自創福茂號生運且此項向未經索討又安知余之無力即以余為無力亦應索問問而不與即當控訴公庭何以並無索問一言而遽登告白以行誣讒彼固自謂究不如容之為佳則彼自以為量可容人故不向余索問矣但索問之事尚且能容又何致妄登告白誣人之醜反不能容乎觀此則其所謂容者實係遁詞無以解嘲故作此為掩耳盜鈴之計然則所謂自彰其醜者得無為其人自道者乎但余不才亦自開頗稱抗直非若他人之承先人餘蔭而遂侈然自驕自滿者幸 高明其垂察焉
大清光緒十六年九月廿一日
中街第八十七號門牌福茂號陳羣英謹白

特授北慕娘兼管餉等處地方輔政使司茅二為招承餉碼事照得現奉 督憲札開本國家欲招人承充一千八百九十一年本境內烟酒等餉碼須照以下所列而行計開 其一鴉片烟餉承充此項餉碼者其承餉人可以裝載烟土入於納閩及其轄下各地以及煮烟賣烟出牌與人賣烟并沽賣烟灰等事至於辦理該烟碼之事須照納閩一千八百七十三年所立第二條章程及北慕娘國家於一千八百八十九年所出第三號之告示而行 每烟土一粒所煮之烟不能逾廿七兩之額 所沽之價如十元則沽烟六兩八錢 五元則沽烟三兩二錢五分 一元則沽烟六錢二分 五角則購烟二錢九分 每烟一錢購銀一角九占 每烟一分購銀二占 每土一顆賣銀四十元其 其二照一千八百八十九年所出第八號及一千八百八十八年所出第三號之告示而行 其三當碼承充之人可以自

己開設典肆及出憑與人開辦典肆其辦理此碼章程當照納閩國家於一千八百六十八年所立第三條及一千八百七十二年所立更改舊律之第一條章程及一千八百八十九年所出第一百三十一號之告示而行 其四賭碼承充之人可以自行設賭以及出憑與他人設賭然此碼當照一千八百八十三年所出第二號告示及一千八百八十九年所出第七號之告示而行 一千八百八十九年所出第一百零八號之告示而行惟納閩則不在此論 其五出入口餉稅之碼在東方所抽出口之稅則如沙藤樹乳黃蠟燕窩木料及山貨海貨等而入口之稅則各烟各酒食鹽火柴等其在西方所有出口貨及稅則等均與東方出口之貨相同惟入口之貨則鹽鐵銅各酒雜烟火藥及布疋等物 其六勿刺煎碼凡承充此碼之人可在該處捕蝦及製做勿刺煎并可出憑與他人捕蝦及製做勿刺煎等事 其七乃在刺美迷地方採取燕窩餉碼承充之人可以在馬台及施牙隆採取燕窩而國家所抽什一之稅亦撥歸其收取 以上各餉碼如有入票願為承充者不得將行混列必須逐條分列以歸清楚如有欲承充處地方餉碼者則每地須另列一票照以下所列而行 一由北慕娘西方巴打士港之施卑同河起至東方施模高港及納閩所轄各地方止然此惟承充鴉片之界限他碼不得援以為例 二由東方之丹戎伊拿呂東起至施模高港止然拿威 刺目 土兀 仙那港 根那峇東眼及施牙馬等一帶河港皆在其內 三在三寶壟地方由三寶壟起至峇株甸那兀止 四西方各地由丹戎伊拿呂東之北境起至施卑同河之南境止然萬外 峇南峇眼海嶼及納閩皆在其內此亦鴉片碼為然他項餉碼不得援以為例 五古達各地由丹戎伊拿呂東起至三班峇牙等止然所有馬呂嶺河中各港及萬外

峇南峇眼各地皆在其內 六牙耶地方由三寶壟峇牙等起至萬牙灣河而淡巴塞 亞買 暗望 土刺豐 太蘭 牙耶港 浮打丹 巴巴 基馬尼士及所有南方各港皆在其內 七巴打士地方係由掛勝班油起至施卑同河而基里亞士及巴打士那密巴打士勿殺及施卑同河南方各港及納閩亦在其內此亦鴉片烟碼為然他項餉碼不得援以為例 八納閩及其所轄各地方所承餉碼惟有鴉片一項而已 至於所入之票每紙須詳細書明在一千八百九十一年所承何項餉碼而是年願繳餉項若干如欲承充北慕娘各地方及納閩東方之總烟碼或承充仙那港東方一帶酒當賭及出入口稅者其票務於西本年十一月三十號即華十月十九日以前送交本署而票面均須用火漆印封固而票封亦須寫明承充餉碼機密票據等字樣方准投遞倘諸人有欲分承古達 牙耶巴打士 打末馬 或納閩等處其票當於西本年十一月十號即華本月廿八日以前送交該處參政司亦無不可所投之票任由國家選擇而國家亦斷不能執價高者得之例也至於入票之人及其保人約須將其姓名住址及其所為生業詳細列明然有人欲入票而不欲列其真姓名者亦可書寫別號然所書別號不得逾三字之限而其人務須再寫一函將其真姓名及其入票所用之別號一一列明並須畫押送交北慕娘制軍府內其函外務須書明機密等字樣方合 所有以上各餉碼均須遵照現在國家所定之律及他日國家所更定之律而行倘諸人欲知其詳細者可向仙那港之庫務司及各地方之分府或本國家駐紮港助之代理人處詢問便得其詳特此示知各宜踴躍幸無觀望切切特示 大英一千八百九十年十月廿一號 大清光緒十六年九月初八日在仙那港示

招 娘 募 北

示 碼 餉 承

打丹 巴巴 基馬尼士及所有南方各港皆在其內 七巴打士地方係由掛勝班油起至施卑同河而基里亞士及巴打士那密

巴打士勿殺及施卑同河南方各港及納閩亦在其內此亦鴉片烟碼為然他項餉碼不得援以為例 八納閩及其所轄各地方所承餉

碼惟有鴉片一項而已 至於所入之票每紙須詳細書明在一千八百九十一年所承何項餉碼而是年願繳餉項若干如欲承充北

慕娘各地方及納閩東方之總烟碼或承充仙那港東方一帶酒當賭及出入口稅者其票務於西本年十一月三十號即華十月十九日

以前送交本署而票面均須用火漆印封固而票封亦須寫明承充餉碼機密票據等字樣方准投遞倘諸人有欲分承古達 牙耶巴打

士 打末馬 或納閩等處其票當於西本年十一月十號即華本月廿八日以前送交該處參政司亦無不可所投之票任由國家選擇

而國家亦斷不能執價高者得之例也至於入票之人及其保人約須將其姓名住址及其所為生業詳細列明然有人欲入票而不欲列

英京電報一 ○十六日英京發來電報云昨電有音英皇降臨與議院內所云各節現在議院議員業經議定聯銜草疏覆奏英廷悉遵所諭矣

英京電報二 ○昨電有音前相托公致書某報言巴尼路宜自為辭退等情茲接十六日英京發來電音云托公現復對眾言謂倘巴尼路不自辭退議員之任則本大臣自必乞辭其職矣

英京電報三 ○十六日英京發來電音云前相托公所請准將耶穌教人為埃爾蘭總督之律已在議院內宣讀第一次矣

刺查金礦股份行情電報 ○十六日新金山勿里士文來電云刺查股份價值仍復如前惟市面則已略覺起色云

劫殺事聞 ○本坡有穆拉油人三名向由叻往來廖內經營生理十七早由廖抵叻即赴案報稱有穆拉油船近由叻地載有貨物赴豐乃至半途為該處之穆拉油人所劫致將船中諸人盡行斬斃等由并言該船共有三人一日牛刺買連一日兒納購一日莫下末羽中其船牌係二千二百三十七號於二十日前由叻啟行出口船中所載係布疋雜貨等至於被劫之處現猶未悉其詳等情本坡國家據報已一體為之嚴加查緝矣

足見閩才 ○香港遞來西簡云該處打厘兀納西報館東主兼辦主筆浮禮惹現因犯有律條致遭緝捕而其筆政則由該主筆人如君出而攝理以閩才之奇才司平章之清議是亦可見西國閩才之盛矣

星使行期 ○出使俄德奧和四國欽差許竹質星使景澄已於初十日恭請 聖訓現將行裝部署擇吉九月十九日首途取道天津乘輪南下航海西行先抵伯靈按印再往聖彼得堡羅盤等都城云

船難續述 ○上海遞來信息云去月廿四日早間溫州船開往上海南船開往烟臺汕頭時由牛莊起旋猝然相遇避讓不開轉離撞如二牛之角力一而再再而三圖南船兩旁掛梯先被刺落微受損傷溫州船尚未有損末後又碰一下圖南之後桅幾如粉碎溫州之船頭整如刀削水遂汨汨而入兩船當時沉沒幸兩司舟見勢垂危各自開足力駛奔南岸擱於淺處搭客三四百人均得逃生未致葬身魚腹然各人所帶行李均不及取携惟帳房將信箱信包搶出然已被水淋漓字蹟不可辨識矣餘物概付波臣良可惜也兩船相碰無一瓦全亦屬罕聞初時圖南泊於西首船身重大載貨又滿離起旋在先而一時不及轉身溫州船小載貨又少泊在東首雖起旋稍後而行駛甚疾撲在一處無法離開遂致兩船俱傷現在潮湖時溫州船已不見圖南則男首在岸蓋其所壞僅在後機機器火艙尚未受傷當兩船失事時搭客紛紛逃命杉板小船因之大覆利市救一客上岸各給東錢二三十吊至一二百吊不等舟子之心懷不長者更復乘機搶取物件有一山東老叟僱定杉板言明東錢五十吊先將銀包一個錢捆兩個交付舟子自己回身機取衣包一轉瞬間所僱杉板已無蹤影老叟臨流痛哭謂七八年積餘累寸一旦盡歸烏有安用生為語畢竟欲投水自盡嗣為旁人勸阻俟喪而去兩船沉下甚速及招商總辦太古洋行東主及各保險公司到時船中水已滿注倉卒之問未傷人口亦云幸矣

事有可疑 ○聞有粵人某甲向在牛車水某店樓上住居向以開設議會為生乃於月之初十日忽然而出數日不同於是藉藉人言有疑其為逃遁者惟向未有確據是否逃遁則向未得而知也

私娼被獲 ○本坡娼寮向須領牌始能開設其有潛設私窠者一經執獲無不立與重懲此杜漸防微實欲維持風化也十四日有潮人某甲赴護衛司案前報稱甘麻六甲慶照街第十號門牌之宅係設私娼等由護政據報即於翌日命有西書記一人會同列等英差一人率領護署暗差四名於夜間八點鐘時潛至該屋之前伏而窺伺未幾果見有執袴子弟聯肩而至又未幾復有少婦數輩笑語而來時室中諸人則已憧憧往來而笑聲漸作矣諸人伺至九點鐘時見此中情景委無可疑於是相與掩入室中見有少婦四人坐而調笑觀其狀貌委非良家婦女爰即將其執獲并將該屋主人會某遞於案中查此私娼四人內有三人乃為粵籍一人係潮籍惟皆作叻地婦人裝束現此一千人等均已解至巡捕官案前聽候府尊傳訊矣

賭案錄登 ○前華牛車水潮人陳琳因花會之案被獲一事十七日業經府尊傳訊查此案據線人所供則謂陳為私收花會而陳則供稱并無私收之事而有時偶然投買容或有之等詞府尊訊畢以所言尚在情理之中因特從寬辦理即判罰銀十五元以示薄懲

薄懲虎役 ○昨報第五百二十四號巡差因擾食潮人吳成昌之柑吳向其索值遂揮拳擊折吳齒一枚故被告各節此案於十七日業經府尊訊定該差到案亦自認罪無辭但言是日并非有意行兇因被告在路糾纏有失觀瞻不覺一時性起揮拳擊去不意用力過猛致折其齒然實非有意行兇也供畢府尊據其所言亦殊有理由因作誤傷論判該差罰銀五元以儆厥後云

情差被革 ○蔡三妹潮人也近在本坡充當暗牌差役惟蔡性疎懶強常違上游之命前已為某列等差在巡捕官案前控告而霍君以其新充差役於此中規矩容有未知因特與姑寬詎蔡由是更為自大每每不恤上游所命前者復蒙派在差館中看守詎蔡竟潛匿而酣睡致為四畫差役亞武加沙所覺因將該差指控嗣經巡捕官查得該差委係懶惰不足有為即判將其斥革云